



cijelom svijetu. Misija CISAC-a je unaprijeđenje interesa stvaralaca i poboljšanje najviših standarda poslovanja u cilju zaštite prava autora.

Shodno tome, prijemom AMUS-a u CISAC, članovi AMUS-a su postali dio svjetske porodice muzičkih autora, što, pored ostalih prednosti, omogućava mogućnost prijave naših autora i njihovih djela u svjetske baze podataka (**IPI i WID**), CiSnet, kao i mogućnosti dodjeljivanja **ISWC** brojeva za sva objavljena djela naših članova.

**ISWC** su brojevi koji se dodjeljuju svakom pojedinačnom djelu, te ga identificiraju na način da gdje god da se to djelo koristi, bilo gdje u svijetu, u bilo kojem obliku, na bilo koji način, automatski se prepoznaju autorstva i alociraju se tantijemi autorima koji su stvorili to djelo.

To je jedan od svjetskih standarda, i jedan od uslova koje AMUS mora ispuniti kako bi opravdao povjerenje koje nam je povjerio CISAC primajući nas u članstvo u rekordnom roku! Više o ISWC brojevima, njihovoj važnosti i ulozi možete saznati na ovom [linku](#). Nakon prijema, očekuje se potpisivanje velikog broja recipročnih ugovora sa sestrinskim organizacijama iz cijelog svijeta.

Biti dio obitelji CISAC-a znači biti međunarodno prepoznat, biti u toku svjetskih zbivanja i, na poslijetku, imati podršku organizacije čiji glas ima moć utjecaja na razvoj društava svih veličina, od onih najvećih kao što su američki **ASCAP** i njemačka **GEMA-a**, pa sve do društava srednje i manje veličine kao što su hrvatski **ZAMP**, slovenački **SAZAS** ili, u konačnici, **AMUS**.

Više o CISAC-u možete saznati na ovom [linku](#).

**AMUS POSTAO ČLAN KOMITETA ZA INTELEKTUALNO VLASNIŠTVO AmCham-a!**  
AMUS je postao član Američke trgovačke komore u Bosni i Hercegovini (**AmCham BiH**) u kategoriji nevladinih organizacija (**NGO**). Interes AMUS-a je da doprinese u radu Komiteta za intelektualno vlasništvo AmCham-a koji uz punu podršku Ambasade SAD u BiH i zalaže se za što bolju provedbu zakona iz oblasti autorskog prava.

Ovo je samo još jedan od dokaza da je AMUS-ovo kvalitetno i transparentno djelovanje prepoznato i prihvaćeno od strane međunarodne zajednice u BiH, obzirom da je jedna institucija kao što je to AmCham BiH odlučila prihvatiti AMUS kao partnera u razvoju općeg stanja intelektualnog vlasništva u Bosni i Hercegovini.

AmCham BiH predstavlja udruženje 50 najuspješnijih i najnaprednijih firmi i organizacija u zemlji danas. Preduzeća i poslovni rukovodioci se pridružuju AmCham-u zbog različitih razloga. Mnogi se pridruže kako bi doprinjeli poboljšanju širenja zajednice, dobre volje, bez brige za neposrednu korist za sebe. Većina se pridruži kako bi ostvarili poslovne kontakte i razmjenu informacija korisnih za njihov posao. Ipak drugi se pridruže kako bi koristili usluge koje AmCham pruža svojim članovima. To može biti osobito vrijedno i korisno za preduzeća koja posluju s inostranstvom ili u stranim zemljama gdje jezik, zakoni, propisi i običaji mogu biti nepoznati.

Čast nam je biti dio ovakve organizacije, te nas to potiče da i dalje radimo na zaštiti intelektualnog vlasništva i suzbijanju piratstva u BiH zajedno sa našim partnerima.